





續山縣
纂陽志

凡 5
3282
卷 1

歲次辛酉
仲秋刊成

昭和十八年
八月十八日
購求

縣率有志凡以鑑古知今俾宰是邑者施于有政非徒文
獻之足徵也山陽蕞爾邑歷朝以來南北兵爭代居衝要
稽其志乘有楚州淮陰二圖經皆佚不傳宋有嘉定志僅
見於顧氏郡國利病書所引當世久無完書閱五百年邑
人張岸齋太史毅然爲之厥後一脩於乾隆戊辰再脩於
同治癸酉凡夫山川風土民物賦役諸大端粲然具備雖
小有踳駁究不失爲善本自癸酉至辛亥又將四十年矣
適省中議脩通志檄促賡續以免脫落而欸無所出邑人
士稟於田賦帶徵得若干緡因延求鴻碩諮訪故實周蒨
圃太史以予粗識掌故屬總司編纂之役予以同治志簡

潔知要宜依類續纂不當更改原書其有佚誤別爲刊補
藝文志與新志相輔而行亦只采山陽不及旁邑議既定
分別部居爰以漕運列女屬之田君魯漁畺域雜志屬之
徐君少泉水利選舉屬之楊君小坪民賦軍政屬之陶君
次壩時周君次衡客滬上則以職官學校屬之顧君竹侯
客都門則以建寘古蹟屬之人物藝文刊誤予自削草參
互商榷肇於己未秋歷十有五月成書二十四卷一遵通
志例截至宣統三年爲止時勢變遷事故嬗革隨條附見
原書具在庶幾進不掠美退不辟謗一洗新志成舊志亡
之積弊予殘年暮齒學殖荒落私幸藉諸同志掖助之力

獲觀厥成於山川風土民物賦役續加增益不敢稍涉汎
濫是非臧否必存其真達而勿多約則鮮失區區之心如
是而已若其舛謬疏漏勢不能免規杜糾歐後之君子其
亦有樂乎此也辛酉六月七十九叟邑人段朝端書

自辛亥之變鈞由京師致仕回里杜門却掃不與聞時事久矣丙辰春省局以修通志檄各縣徵訪事實嗣以縣志爲通志基礎必先輯縣志而後省志有所取材復飭各屬續修縣志檄文稠疊勢不能置爲緩圖邑人士集議籌備首以總理一職屬之鈞力辭不獲遂勉就焉顧當承乏之始竊鯁鯁焉慮此次修志有較前志難焉者前志修於同治癸酉經費撥自河庫銀若干兩部署一切游刃有餘蓋其時公帑尙裕官府亦樂於助成近則庫空如洗羅掘俱窮其難一前志事實以一邑之政輯一代之書凡夫山川風土民物賦役學校選舉水利軍政諸大端各衙門案牘

俱存徵調卽至據以考證事半而功倍焉自國事改革後各卷宗燬棄散佚十不存其一二課虛責有文獻無徵其難二前志體裁列門十四附條目四十八分別部居釐然各當續志應循舊制斷不能妄事更張無如時勢變遷世故嬗革新政疊出名目繁多雖斷代以宣統三年爲限而此三年前已有輪電郵警諸創設秉筆者遺漏旣覺不安附屬又嫌不類其難三然天下事畏以爲難則無成勉爲其難且其任其難則易就本居修志經費則出自田賦議以兩忙帶徵通詳備案眾擎易舉隨課輸將復得賢邑宰邱君芷石覈實鈎稽認真徵集二年所入適合度支事實

則廣爲蒐羅旁諮博訪鉅細靡遺凡歷朝碑碣私家著述父老流傳罔不採納周詳缺其疑而存其信至體裁則悉本舊志按條增益毋濫毋誣其間縱參列新政如學堂附學校警察附軍政畢業考職附選舉輪船電報附雜記亦皆各從其類名雖殊而義適符焉是役也開辦於己未正月告成於辛酉八月歷時未滿三年編書得廿四卷此其先難而後獲始難而終易者則皆諸同人各勤厥職有以致之事旣竣爲誌其顛末如此若夫邑改淮安續編新志此又一事也請徐以俟諸後之君子歲次辛酉仲秋邑人周鈞謹識

續纂山陽縣志纂修姓氏

監修

淮安縣知事邱沅

淮安縣知事王元章

續纂山陽縣志纂修姓氏

總理

記名丞參武英殿纂修實錄館協修國史館纂修翰林院編修周鈞

總纂

前署海州學正重讌泮林廩貢生段朝端

分纂

候選訓導廩貢生楊杞林

前常熟縣教諭舉人周銓

前署安徽六安直隸州知州正任泗州直隸州知州進士田毓璠

記名丞參國史館協修功臣館纂修翰林院編修徐鍾恂

候選直隸州知州舉人顧震福

山東候補府經歷優貢陶鍾篴

總校

銓選教諭歲貢生丁賜福

內閣中書優貢何福恒

分校

揀選知縣舉人何福謙

廩貢生王宗筠

增貢生楊增壽

廩貢生周鏗

優廩生田壽春

收掌

前雲南新平縣知縣拔貢詹坦

附貢生沈有壬

采訪

候選鹽運司經歷歲貢生周虎臣

候選縣丞丁迺嘉

候選訓導廩貢生劉灼如

增貢生潘蘭璘

附貢生阮師凝

議敘鹽大使何福均

廩貢生宋慶鵬

附貢生邵元壽

附貢生邱世忠

附貢生高夔龍

附貢生楊榮

附貢生許肇爵

附貢生周彭僖

候選同知林祖祺

光祿寺署正銜李雲章

參校

候選訓導廩貢生周鴻翥

候選訓導廩貢生謝文炳

附貢生張仲沅

附貢生葉村

候選知府秦保愚

山東候補府經歷附貢生朱錫成

山東補用縣丞恩貢生王兆藻

監刻

候選訓導廩貢生葛鎮淮

附

貢

生楊鴻猷

從

九

品丁霈廉

續纂山陽縣志目錄

卷一

疆域

風俗

物產

卷二

建寘

城池
驛遞
善堂

圍砦附
街市

倉庾
坊鎮

壇廟
橋渡

寺觀附
塘堰

卷三

水利

閘洞

各鄉水道

隄圍附

卷四

漕運

鹽課

關權

卷五

職官

卷六

民賦

里圖

戶口

田賦

雜辦雜稅附

解

卷七

學校

撥

學宮

義學

學額

學田
禮樂器
試院

卷八

選舉

畢業獎附

考職附

卷九 軍政 新軍 徵兵 警察

卷十 人物 流寓 忠義

卷十一 列女一

卷十二 列女二

卷十三 藝文

卷十四 古蹟 古井 邱墓

卷十五 雜記 兵戎 祥禳

卷十六 刊誤

凡例

一邑志脩於同治癸酉其書體例簡潔文筆雅飭具有典
型海內推爲佳本今大段照舊總類子目及卷首各圖
一仍舊貫以免紛更

一此次續纂仿重脩通志例以宣統三年爲斷以後事概
不闌入三年以前舉行各項新政酌量登載俾成實錄
子目亦量爲變通

一原志不免小有罅漏例言亦云補正缺佚尙有俟於方
來所有補遺仿通志例每卷續纂後依類標明分門編
次刊誤則統爲一帙附於卷末然亦不盡拘或卽附著

本條之下原書版片概不施以刊削

一脩志宜存舊續新不宜輕改舊本前人論之詳矣自同治癸酉至宣統辛亥計三十九年其閒事實按門續載必以文減事增爲準庶與原志如驂之靳

一淮安府志脩於光緒八年壬午此次續纂縣志壬午以前取諸府志加以附益壬午以後資諸采訪覈以見聞凡所搜葺得諸故籍必著所出以備覆檢

一地志濫及人物已非古人所許人物而及閨媛方外僅資點綴無關宏旨且亦寥寥無多今概不緝續

一列女繁夥校者疲於簡對複沓蕪雜謹就確見者畧加

刪併觀按語自明

一卷中於乾隆志曰舊志同治志曰原志或曰前志

一新志訖於辛亥縣名未改淮安故仍曰山陽志

一原志後附淮安藝文志其時淮安統六縣今府缺裁省縣名移改本書專志山陽一縣勢難仍蒙舊稱今署山陽藝文志本邑文詩及寓公臚作已收入淮安藝文志者概行抽出與近所補續合爲一編以求美備事在辛亥後者文字雖佳請從蓋闕

續纂山陽縣志卷一

疆域 風俗 物產

自同治癸酉至宣統辛亥相去日淺疆域無變置風俗厚薄隨運會爲轉移物產盈虛視人事之勤惰以今視昔微有不同略而不書曷資觀省姑據見聞所及麤備貂續而以形勢冠之不標子目遵舊例也

沿革四至分星高度見原志

境內土地平衍少山多水北有淮險西有湖險

郡國利病書引舊山

陽縣志楚城北有淮險西有湖險東南二面往往有長岡

黃流會合綺脈交錯而地控

南北中原用兵率爭此土晉及六朝恆資屯守建炎南渡

倚爲邊防

舊山陽縣志晉及六朝大農
匱乏俱屯守淮陰以備儲胥

視平原猶隘塞也

自黃河奪淮而長淮之險失河流北徙而洪河之防又失
築湖堰置運隄西南湖蕩泥淖之地多變而爲田而湖蕩
之阻又失咸豐軍興民罹兵燹一歲數驚僅恃運河一衣
帶水別築圍砦輔之形勢一變海運行河運廢河漕大官
相繼裁撤職無專司運河淤墊水小易涸水大易溢無論
利便且爲隱患光緒甲午庚子間海氛不靖由滬至津舟
師多阻東南諸省軍旅應援畿輔率道經山陽水陸兼程
論者猶重視之謂可與海道相輔爲用且可濟海道之窮
迨津浦鐵道成北發燕齊南抵江皖一日千里稱捷徑焉

自是而山陽幾成僻壤形勢又一變矣閭閻之盛由明季

至國朝不稍替漕督居城倉司屯衛星羅棋布儼然省

會夏秋之交糧艘銜尾入境皆停泊於城西運河以待盤

驗牽輓往來百貨山列北關廂爲淮北綱鹽頓集之地任

鹺商者皆徽揚高貴鉅戶役使千夫商販輻輳權關居其

西北搜括留滯舟車闐咽利之所在百族斯聚引府志市不

以夜息人不以業名富庶相沿奢侈成俗詳見前志乃綱鹽改

票昔之甲族夷爲編氓漕運改途昔之巨商去而他適百

事罷廢生計蕭然富者日益貧貧者日益偷由是四民知

陳力受職稍稍反樸焉士風在昔易子而教筆耕所入足

以瞻家鄉有先達誘掖後進循循無倦容西城勾湖

勾湖草堂

東城文會

文會草堂

後先輝映蔚起人文爲淮郡冠光緒丙午

廢科舉立學堂士無恆產又以不合時宜多橐筆遊四方別圖生活視昔之父以是教子兄以是教弟比戶絃誦聲洋洋盈耳者則有間焉學堂費鉅歲需百數十金或數百金富家應運而興寒士氣沮無崛起之望多出他途禮教浸衰爭競日起縉紳子弟無復恂恂一得自矜迂視耆老甚至博塞嬉遊莫之或禁洵乎士風隨法制爲轉移也農田東南多水鄉沮洳沃饒人滿田值貴耕作勤農事修整西北平疇廣野土滿田值賤人情窳惰溝洫不治故荒廢

多引府志

咸同間每遇水旱耕者棄田廬攜婦孺過江就食

江南經寇亂榛蕪待墾去者或留而不歸光緒中葉江南商埠繁盛運河輪舶通豐穰之歲中下農民秋穫畢亦相率南下麇集各埠力食致飽麥熟乃返勤樸者歸有餘資習於浮靡往往不克力田而田轉荒且交通既利米穀轉輸常弛厥禁粟菽以外販及雞豚物值騰漲饗飧之費視昔三倍而城鄉居戶又僅恃田業無他技歲豐則溫飽歲歉則凍餒乃漸以農事爲重視水旱慎收穫一輪土車絡繹於野無往日語及田夫退讓不屑之舊習

見明山陽縣志然水利失修非旱則澇大農坐困小農愈貧貧則抗弊巧法非

厲禁無以治地方長官來自遠方未諳積習循例催租難
爲補救農業振作或猶有待歟古昔工技有硯

宋陳標貢
暄野錄稱

淮安有鼓
茶餘客話明永樂時朝鼓敝欲更換禮部行文
出硯在部易之日緊細密
釘晴雨同聲眾稱善

國朝以弓矢名今廢惟攻韋者嗣

其業餘皆家人筐篋間常物而已服御之需仰給於遠方
者十居八九民居櫛比無機杼聲而工藝學校習藝所等
時興時廢成效未著其仿造物品僅毛巾綾襪粗紙亦無
殊技間有木機紡織行囊米袋頗多適用今改製濶布質
堅紋細幾與通州布相埒工不盡拙財力限之也商則昔
以鹽爲大宗自綱鹽票鹽遞改其業廢墜南北行商又改

道楸遷

見前津
浦鐵道

車轂船帆日就闕寂板閘樅關稅數減絀

百廢莫舉煙戶四徙向之銅山金穴湮爲土灰至如食貨
日用所需類皆小賈所販逐利朝夕所持者狹所欲者奢
姦軌弄權物價踊貴昔以關病商今以商病民此則百數
十年事變之大者也冠昏喪祭與歲時禮俗有因無革

詳見

舊志

惟華服盛饌侈靡之風今乃加厲衣必紬縠務精藻績

海外來者尤重主與客相耀野與市相驅家無千金產一
衣之費多至數十金弗惜也婦女去緣飾學南人妝衣不
蔽膝袖不掩手光怪陸離雜以珠寶歲一易之巧合時尚
誠以異服弗顧也故舊欸睚無關高會乃亦蕙肴芳醴日